



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za vanjske poslove

Broj: 01,2-011-38-01/03

Sarajevo, 14.01.2003.godine

ZAPISNIK

Sa četvrte sjednice Komisije za vanjske poslove

Sjednica je održana 13.01.2003.godine sa početkom u 10.30 sati.

Sjednici su prisustvovali sljedeći njeni članovi: Martin Raguž, Sead Avdić, Izet Hadžić, Milorad Živković, Jelina Đurković i Nenad Mišić.

Odsutni su bili: Azra Hadžiahmetović, Seada Palavrić i Vinko Zorić.

Sjednicom je predsjedavao Martin Raguž, predsjedatelj Komisije za vanjske poslove, a zapisnik je vodila sekretar Merdžana Iglica.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 3. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 03. 01.2003.godine;
2. Davanje mišljenja o suglasnosti za ratificiranje (11. tačka Dnevnog reda 7. sjednice Zastupničkog doma):
 - a) Sporazuma između Bosne i Hercegovine i Republike Portugal o uzajamnom unapređenju i zaštiti investicija;
 - b) Protokola o suzbijanju nezakonitih djela protiv sigurnosti stalnih platformi smještenih u epikontinentalnom pojasu;
 - c) Konvencije o suzbijanju nezakonitih djela protiv sigurnosti pomorske plovidbe.
3. Upoznavanje sa informacijom o seminaru iz oblasti sigurnosti u Segedinu, Mađarska, od 28.-30.01.2003.godine;
4. Informacija o imenovanju tri člana Zastupničkog doma u Parlamentarnu delegaciju Bosne i Hercegovine pri Vijeću Evrope (9.tačka Dnevnog reda 7. sjednice Zastupničkog doma).

Dnevni red je jednoglasno prihvaćen uz zaključak da se zbog hitnosti i kratkoće vremena za ovu sjednicu, tačka Dnevnog reda koja se odnosi na razmatranje Izvješća o stupnju ispunjavanja obaveza koje Bosna i Hercegovina ima prema Vijeću Evrope i drugim međunarodnim institucijama u 2003. godini, odloži za narednu sjednicu Komisije, koja će

biti tematska i uz nastojanje da se obezbijedi prisustvo relevantnih faktora koji su radili na ovim poslovima.

Ad.1. Komisija je razmatrala zapisnik sa 3. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila;

Ad.2. Komisija za vanjske poslove je dala svoje mišljenje da su ispunjeni uvjeti da Zastupnički dom Parlamentarne skupštine BiH na svojoj sjednici, 13.01. 2003. godine da suglasnost za ratificiranje sljedećih dokumenata:

- a) Sporazuma između Bosne i Hercegovine i Republike Portugal o uzajamnom unapređenju i zaštiti investicija;
- b) Protokola o suzbijanju nezakonitih djela protiv sigurnosti stalnih platformi smještenih u epikontinentalnom pojasu;
- a) Konvencije o suzbijanju nezakonitih djela protiv sigurnosti pomorske plovidbe.

Ad.3. Komisija je upoznata sa informacijom pristiglom iz Sekretarijata Stalnog komiteta za vojna pitanja o održavanju seminara iz oblasti sigurnosti «Partnerstvo za mir i suradnju» u Segedinu, Mađarska, od 28.-30.01.2003.godine. Na ovaj seminar, u organizaciji Ministarstva vanjskih poslova Republike Mađarske u suradnji sa Segedinskim centrom za sigurnosnu politiku, pozvana su tri člana Parlamentarne skupštine BiH, tj. Komisije za vanjske poslove Zastupničkog doma.

G. Avdić je dao sugestiju da to budu predsjedatelj i dva zamjenika predsjedatelja Komisije, dok je g. Raguž predložio da dogovori o učešću na ovakvim i sličnim skupovima budu fleksibilni i da se ne ograničavaju samo na predsjedatelja i zamjenike, već da u skladu sa vremenskim mogućnostima i interesovanjima, svi članovi Komisije uzmu učešća u njima.

Dogovor o delegaciji koja će učestvovati na seminaru u Segedinu će biti postignut konsultacijama unutar Komisije.

Ad.4. Zbog instrukcija koje je Biro Parlamentarne skupštine Vijeća Evrope dao stalnom predstavniku BiH pri Vijeću Evrope, ambasadoru Igoru Gaonu, a vezano za najhitniji izbor tri člana Parlamentarne delegacije BiH pri Vijeću Evrope iz Zastupničkog doma Parlamentarne skupštine BiH, na Dnevnom redu 7. sjednice Zastupničkog doma našla se ova tačka. Komisija je upoznata sa sadržajem dopisa koji je ambasador Gaon uputio Parlamentarnoj skupštini BiH i odredila se da podrži izbor ova tri člana delegacije iz Zastupničkog doma Parlamentarne skupštine BiH.

Sjednica je završena u 11 sati.

Zapisnik sačinila:
Merdžana Iglica, sekretar Komisije

Predsjedatelj
Komisije za vanjske poslove
Martin Raguž s.r.